

دَارُ الْفُنُونِ
الہیاتیات و کتب و تصانیف و مجلہ

تاریخی ، اجتماعی ، دینی ، فلسفی

آگستوس - ۱۹۲۸



شہزادہ بانٹی اوقاف مطبعہ سی

۱۹۲۸

سامی دینلرده قربانک ماهیت و فعالیت

۲

وجوه (حضور) اتمکی سفره سی :

قدیم رومالیلرده کی Lectisternia سفره سیله عبرانیلرک الوهیت حضورینه وضع ایتدکلی بیک سفره سی یعنی حضور اتمکی سفره سی یکدیگرینه چوق مشابه در . اساساً الوهیت بویه سفره لر تقدیمی طالمشمولدر . موسی شریعتدن اولکی آیتلرده موجود اولان بو عملی ، رهبانی مجله نك ساده جه رسماً قبول ایتمش اولدینی محقق در .

حضور اتمکی سفره سی منسکه نظراً شوپله اولمالیدر : « ... واوزونلنی ایکی واکئی بر ویوکسکلکی بریحق زراع اولان سنط آغاچندن برسفره یاپاسین . و آنی خالص آلتونله قاپلایوب اطرافنه بر آلتون پرواز یاپاسین . آنک اطرافنه درت پارمق اکنده بر کنار یاپاسین وکنارک اطرافنه بر آلتون پرواز یاپاسین . آکا درت آلتون حلقه یاپوب حلقه لری درت آیاغنده بولونان درت گوشه یه قویاسین ، حلقه لر کنارک باننده اولوب سفره یی طاشیمق ایچون قوللره خانه اولالر . قوللری سنط آغاچندن یاپوب آنلری آلتونله قاپلایاسین و سفره آنلر ایله کوتورولسون و آنک تپسیرینی و بخور قاپلرینی و مشروبات تقدیمه سی ایچون کاسه لرینی و طاسلرینی یاپاسین . آنلری خالص آلتوندن یاپاسین » (خروج ، یکریمی بشنچی باب ، ۲۳-۲۹) حضور اتمکی بویه برسفره یه هر جمع ایرتسی کونی بروجه آنی صورتده وضع ایدیلیر : « خاص اون آلوب آندن هر پیده ایکیشر عشر اولارق اون ایکی پیده پیشیره سین ، آنلری هر بر صرده آلتیشر اولارق ایکی صره ایله ربک حضورنده طاهر سفره اوزرینه قویاسین ، اتمک اوزرینه تذکار ایچون ربه قربان اولمق اوزره هر صره نك اوزرینه صافی کونلک قویاسین ، آنلری ربک حضورنده بی اسرائیل طرفندن ابدی عهد اوزره هر سبت کونی (جمع ایرتسی) دائماً ترتیب ایتسون » (لاولولر ، یکریمی درنجی باب ، ۵-۸) .

حضور اتمکی ، یه ووا حضورینه آنجق ملاقات چادیرنده بر آز اول عرض ایله دیکمز کی وضع ایدیه بیلیر : « حضور اتمکی دائماً حضورنده سفره نك اوزرینه قویاسین » (خروج ، یکریمی بشنچی باب ، ۳۰) . برنجی ملوکک آتیده کی فقره سی حضور اتمکی عملمنک اسرائیلده

اسکی بر مؤسسسه اولدینی اثبات ایدر : « ... بونک اوزرینه کاهن آکا مقدس اتمکی ویردی . زیرا اوراده ربک حضورندن آلتدینی کونده تازه اتمک قونیلماسی ایچون قالدیریلان حضور اتمکندن ماعدا غیری اتمک یوقدی » (۱ ملوک ، یکریمی برنجی باب ۶۴)
 بویله تقدمه لک صورت استهلاکی هر نه قدر الکاسکی مجله ده صراحتاً تعیین ایدیله مش ایسه ده ، الوهیتک مثلاری اولق حسیله رهبان کذلک برنجی ملوکه نظراً هر طاهر اولان کیمسه استفاده ایده بیلیردی . مع هذا عبرانی آئینده بملکک رهبانه تاند عواند اولدینی آشکاردر : « ... آنلری ربک حضورنده نبی اسرائیل طرفندن ابدی عهد اوزره هر سبت کوننده دائماً ترتیب ایتسون ، بو دخی هارون ایله اوغلارینک اولوب آنی مقدس مقامده ییسونلر ، زیرا بوربک قربانلرندن اولوب ابدی فریضه اوزره آکا قدسدر » (لاولولر ، یکریمی درنجی باب ، ۸-۹) .

قدیم زمانلرده ، رهبان ، بو اتمکلری حق بمضاً لایقلمه ، یعنی طاهر اولان هر کسه ویره بیلیرلردی : « . . شیمدی یانکنده نه وار ، اله بش اتمک یا باشقه نه بولنور ایسه ویر دیدی . کاهن ایسه داووده جواباً یاننده عادی اتمک یوقدر . یالکز مقدس اتمک وارددر . هیچ دکسه اوشاقلر ، قاریلردن صاقمشلر ایسه ییسونلر دیدی . داوود دخی کاهنه جواب ویردی . حقیقتاً بن چیقالدین بری شیمدی اوچ کون اولوب قاریلر دخی بزدن آیردر . اوشاقلرک قابلری پاکدر . بو اتمک دخی عادی صایلا بیلیر . خصوصاً بو کون قابلرده غیریسی تقدیم اولونه حق دیدی . بونک اوزرینه کاهن آکا مقدس اتمکی ویردی . زیرا اوراده ربک حضورنده آلتدینی کونده تازه اتمک قونیلماسی ایچون قالدیریلان حضور اتمکندن ماعدا غیری اتمک یوقدی » (۱ ملوک ، یکریمی برنجی باب ، ۳-۶) .

بویله سفره لر بابلده دخی Bel بویوک معبدینه تقدیم ایدیلشدر . معبود Bel ایله اژدرها منقبه سنه بر قیمت ویریلیر ایسه الله ایچون احضار اولنان بویله سفره لری اللهک بالفعل دیدیکنه بابلده دخی عمومیتله اعتقاد ایدیلش اولدیننه حکم اتمک لازم کلیر [۱] . بالطبع الوهیته تقدیم ایدیلن بملککری رهبان یدیکی صاقلانهرق بالذات اللهک بملکده اولدینی حس ویریلیردی .

عینی نوعدن تقدمه نیک عربستانده دهالبتدائی شکلی کورویوروز : عابد کنندی صاچیله

[۱] E.B. taylor ، سالف الذکر اثر ، ایکنجی جلد ، ص ۳۸۰

کذا Lagrange ، سالف الذکر اثر ، ص ۳۸۱-۳۸۳

قاریشدردینی یعنی « الاقصیر » الوهیتی صنمی اوکنه آووج طولوسسیله آتیور . دیگر عرب تقدمه لرنده یعنی بغدادی و آربه تقدمه لرنده دخی عینی صورته حرکت ایدلدیکی محتملدر . فی الحقیقه کوورجین ، مکده دخی مقدس بر حیوان اولدیغندن سروده بولنان اسافی صنمنه « مطعم الطائر » تلقیب ایدیلسی ، اللهم حضورینه موضوع حیوانی قربانلردن زیاده مشابه یمک تقدمه لرتی تعیین ایتدیکی معناده آکلاشیلما لیدر . مع هذا ، بولده بولقی ، عبرلرک هر فضیلت فوقنده تاقی ایتدکاری مهمانوازلق و کرم فضیلتی بوضمنده تحیل و تمثیل ایتمش اولمالرله ایضاح ایدیور . [۱] حیسن دن - یعنی حورمالیله تره یاغ واکشیمش سوتک یوغورولسندن متحصل ماده دن معمول صنم قحطلق زماننده یه نیله بیلوردی . بالفرض « نئی حنیفه » قیتاقی زماننده بویله صنملری یشلردی [۲] . اساساً بونلرک ابتدائی صنملر شکلنده یاپیلوب سنتی صورتده یه نیان چوق منتشر حیوانات تقدمه لری صنفنه عائد اولان بر عمل اولدینی چوق محتملدر .

جنوبی عربستانده ، « عم انس » [۳] عبادتنده کسینان قربانلرک وحشی حیوانلره ترک ایدلدیکی ، سپره نقره ، مأخذ کوسترمه رک بیلدیریور [۴] مع مافیله مقدس حیوانلره ، الوهیتک مسافرلری یاخود محیلری اولدینی فکری عرب تفکرینه یابانجی اولمادیغنی ادعا ایده بیلیرزه . اساساً بر چوق پت پرست سیستملرده ، بالخاصه اللهلری ، توتهم - الوهیتلر اولان مصر یلرده ، مقدس حیوانلری بسله مک تماماً دینی بر عملدر ؛ بویله جه محلی الوهیتی کویک Anubis اولان Cynopolis (مصر علیا) ده کویکلر تعظیم و توقیر ایدیلیر و مقدس یمکلر ایله بسله نبردی . کذلک یونانستانده Apollo Lycius حریم الاحرامنده قوردلرکات ایله بسلندیکی زمانه عائد خاطره بی قدیم عنقنه ، هر نه قدر محرف بر شکلده اولسه ده یینه محافظه ایتمشدر [۵] .

[۱] نولده ، هسقیس آنسقلوبه دیسنده ، سالف الذکر مقاله

[۲] محمود اسعد افندی ، تاریخ دین اسلام ، برنجی جلد ، ص ۴۸۹

[۳] ینده ، خولان ده ، « عم انس » عبادتی ایچون باقیکنز : ابن هشام ، ووستنفلد طبی ، ص ۵۳ ، کذا محمود اسعد افندی ، تاریخ دین اسلام ، ص ۴۸۳ ، کذا L'histoire des Arabes Clement Huaart ، برنجی جلد ، ص ۳۱

[۴] خولان مرخصلری ، حضرت محمد « آنجق کیره بیلجک برکیه صاحب اولدیغنز حالده ، طوبلایه بیلدیکنز پارله ایله یوز اوکوز ساتون آلوب ، علی الاکثر بونلری برصباح صنملره قربان ایدرک وحشی حیواناته ترک ایدیورز » دیمشردی . سپره نکدرک ووردینی بومعلومان ، وه لهاوزنده اقتباس ایتمشدر : سالف الذکر اثر ص ۱۲۱ ، کذا لاغراتز ، سالف الذکر اثر ، ص ۲۵۷

[۵] ص ۹۰۷ ، ایکنجی جلد Paus anias و descripi Tion of Greece فره یزر ترجمه سی .

مقدما للهلك جنله و جنك دخى وحشى حيوانلر ايله چوق ياقيدن مناسبتدار اولدینی در خاطر اولنور و عرب الوهیتلری آراسندهده بر آسلان (یقوت) و بر آق بابا (نسر) الله بولدینی نظر اعتباره آنیرسه عینی عملك بعض عرب حریم الاحرامندهده اجرا ایدیلش اولماسی قطعياً محال دکدر [۱] .

فقط اللهك مسافر و یاخود همجنسلی تلیق ایدیلهرک مقدس محللرده عرض ایدیلن تقدمه لرك وحشى حیواناته ترك ایدیلسنك عديم الامكان اولمادینی دوشونيله مدیكى حالده بویله بر عملك عرب منسکننده مهم بر موقع احراز ایتهدیکنی المزده کافی درجهده و نائق بولونمادیغندن دولایی ادعا ایده بیلیرز . اساساً بوتون سامیلرده حیوانی قربانلرك سائق و مدیر فکری الله بر تقدمهده بولونمقدن زیاده مقدس بر قربانك ات و قاننه الوهیتله بر لکده اشتراك بویله جه الله ايله عابدلرینك بر لشمسی ، بر فعل اشتراك وجوده گلسی ، بالتیجه عهد ایتسکدی . چوق رسمی بعض قربانلرده ، خاصتاً کفارت قربانلرنده ، قربان فوق العاده مقدس تائی ایدیلدیکی ایچون عابدلر بو قربانلری ییمکه جسارت ایده میوب قربانی کومرلر و یا یاقارلر و یاخود سائر صورتله « بروقان » اولمقدن منع ایدلری .

انسانی قربانلر مستثنا اولق اوزره قدیماً حیوانی یاقه قربانلری پك آز اجرا ایدیلش اولان عربلرده [۲] بو چوق مقدس اتی ییمکدن اجتنابك دیگر بر طرزی ، بوللری مقدس حیوانلره بر ایتقدر : اولغنی قربان ایتك خصوصنده کی ییمندن فور تیلحق ایچون عبدالمطلب یوز دوه قربان ایتسی حالنده اولدینی کبی قربان ، بر فدیته نجاته تخصیص ایدیلدیکی زمان ، تقدیم ایدمك قربانندن هیچ برشی آلمایارق حیوانات دخی داخل اولق اوزره هر کسه بر اقباسی ایجاب ایدر [۳] . وحشى حیوانلرك ییمی ایچون ترك ایدیلن قربانلر ، یالکیز بعض مستثنا عبادتله منحصر اولمایوب « عتار » یاخود بدایتده عبرانی فصیح بایرامنه (نیسان آتی) تقابل ایدن ، عربلرك رجب آینده تقدیم ایتدکلی سنوی قربانلرده عمومیتله جاری اولدینی و له اوزن ، قبوله آماده [۴] اولقله برابر فصیح بایرامیله ، رجب آتی

[۱] W. R. Smith, kins hip and marriage in early Arabia ص ۱۹۲ - ۳۰۹

[۲] و له اوزن و روبرتنن سمیت ، عربلرده حیوانی یاقه قربانك قطعياً اجرا ایدیلدیکنه قائمدرلر . بالعکس لاعرائز ، بونوع قربانلرك موجود اولدیغنه دائر بعض دلیلر کوستریور . بو خصوصده لاعرائز ، سالف الذکر ، ص ۲۶۱ - ۲۶۲

[۳] مواهب لدینه ترجمه سی ، ص ۱۹ - ۱۹ ، محمود اسمد افندی ، تاریخ دین اسلام ، برنجی

جلد ، ص ۴۷۹ ، ابن هشام ، دوستنفلد طبی ، ص ۹۷

[۴] و له اوزن ، سالف الذکر اثر ، ص ۹۴ و متعابری .

تقدمه لری آراسنده کی مشابهتی اکمال ایچون رجب آئی عنائرینک ایلك دوغان یاورولر اولدیغنی اثبات ایده جک دلائل لازم اولدیغنی سویلدور . بخاری [۱] ایلك دوغان یاورولر (فرع ، فرعه) ایله « عنائر » (مفردی ، « العتیره ») ی تفریق ایتسنه رغماً ، حط تفریق قطعی دکادر . لقتلر « فرع » کلمه سی یالکمز آتی طوئغال حالنده ایکن قربان ایدیلتش ایلك یاورولره دکل [۲] فقط یوز حیواندن بریسنک قربان ایدیلتسی معناسنده قوللانیورلر . بالعکس « لهین Lane » ، « عتیره » [۳] کلمه سی اللهله ره قربان ایدیلتش ایلك یاورو - اول ماینتاج - معناسنه تحدید و تقید ایدیورلر . مؤخر عربلرک بوکله لرک شمولنده کی اختلافلرینی نظر اعتباره آیرسه ق وه لهاوزنک ضروری تعلق ایتدیکی اثبات احضار ایدیلتش اولور . اساساً پروفیسور سمیت و Winkler [۴] رجب آئی بایرامنک ایلك بهار تساوی لیل و نهارنده واقع اولدیغنی اثبات ایتشلردر . بوموسمده هر کس هیچ دکسه برقوزی قربان ایدرلردی . بدویلر ایلك محصولات تقدیم ایده میه چکلرندن بوکا مقابل سوریلردن ایلك طوغانلری قربان ایتلمی طبیعی و واضح در . بویه قربانلرده آنجق ایلك بهارده تقدیم ایدیله بیلیر .

فصحک رجب آئی تقدمه لریله مناسبتی توضیح ایچون ، خروج کتانبه نظراً فصیح بایرامنک موقی هر نه قدر خاطر وی برضیافتدن عبارت اولسه ده ، حقیقته عبرانیلرده فصیح ، اک ابتدائی و قدیم اینلردن بری بولدیغنی در خاطر ایدیلك ایجاب ایدر . فی الحقیقه قویون قرقه ضیافتی [۵] کبی ، فصیح قربانی ده کوچیه چوبانلق دورینه عائد بر بایرامدر . فصیحک خصوصیتلری شونلردر :

I فصیح ایلك بهار تساوی لیل و نهارنده اجرا ایدیلمی ؛ « .. سز بوکون آیب آینده (مارت - نیسان) چیقدیکنز ... یدی کون فطیر ییه جکسین ، یدنجی کون ره بایرام اولسون ، بوفریضه بی سنه بسنه کندی وقتنده حفظ ایده سین » (خروج ، اون اوچنجی باب ، ۴ ۱۰۶) ، « آیب آئی حفظ ایدوب اللهک ره فصیحی اجرا ایده سک ، زیرا اللهک رب سنی آیب آینده کیجه لین مصردن چیقاردی . » (تئینه ، اون آلتنجی باب ، ۱) ،

[۱] بخاری ، مصرطبی ، ایکنجی جلد ، کتاب الحقیقه ، ص ۸۵ ، کذا قاموس ترجمه سی ص ۶۳۷

[۲] Lane ، لسان « فرع » کلمه سی ،

[۳] Lane ، لسان « العتیره » کلمه سی .

[۴] ص ۳۴۴ ایکنجی بحث Winkler و Altorientliche Forschungen

[۵] برنجی ملوک ، بکرمی بشنجی باب

«... اول کون سزه تذکار ایچون اولوب آتی ربه بایرام ایده سکنز ، آتی عصر لر کزجه فرض ابدی دییه بایرام ایده سکنز » (خروج ، اون ایکنجی باب ، ۱۴)

II قربان برسنه لک بر قوزی یا خود اوغلا قدر : « رب موسایه خطاباً ، هر ایلیک طوغانی یعنی بی اسرائیلده کرک انساندن و کرک حیواندن رحمک ایلیک طوغمش اولانلرک کافه سفی بنم ایچون تقدیس ایله سین ، اونم در دیدی » ، « رحمک ایلیک طوغمش اولان کافه سفی ربه تخصیص ایده سین و حیوانا تسدن ایلیک طوغان از ککک لک کافه سفی ربک اولاجق در . هر کبدن هر ایلیک طوغان ایچون بر قویون فدییه اولارق ویره سین ، اگر فدییه سفی ویرمن ایسه لک بویونتی قیراسک و اوغلرک آراسنده انسانک هر ایلیک طوغمش ایچون فدییه ویره سین » (خروج ، اون اوچنجی باب ، ۱ - ۲ ، ۱۲ ، ۱۳) ، « رب مصر دیارنده موسی ایله هارونه سویلیوب دیدی که بو آی سزه آی لک برنجی سفی سزه سنه آی لرنک برنجی سفی اولسون ، اسرائیل جماعتک کافه سنه سویله ییکز که بو آیک اوکنده خاندانلره کوره هر آدم کندی سفی ایچون بر قوزی یعنی خانه باشنه بر قوزی آلسون . . . قوزیکز قصورسز وارک و بر بیلیق اولوب قویونلردن یا خود کچیلردن آلا سکنز » (خروج ، اون ایکنجی باب ، ۲۰ ، ۲۱)

III دیگر قربانلر خلافتنه ، بوقربان تماماً عائلوی بر تسعیددر . خصوصی بر حریم - الاخرامده خصوصی بر مأمور دینی - پاپاس - واسطه سیله دکل ، بالذات عائله رئیسی طرفندن قربان ای دیلیر : «... موسی اسرائیلک جمله اختیارلرنی چاغیروب آنلره دیدیکه : کندی لکز ایچون اهل بیتکزه کوره سچوب آلکنز و فصیحی ذبح ایلیکمز و بردمت زوفا اوتی آلوب طاسده اولان قانه باطیرارق طاسده اولان قاندن قابونک اوست اشیکنه و ایکی سوکهنه سوریکز و صباحه قدرسزدن هیچ بر کیمسه خانه سفی قابوسندن چیقماسون » (خروج ، اون ایکنجی باب ، ۲۱ ، ۲۲) ، « بر خانه ده به نیلسون ، اتندن خانه دن طیشاری چیقارمایه سین و آنک کیمکی قیرمایه سکنز » (خروج ، اون ایکنجی باب ، ۴۶) .

مع هذا بوقانون تئینه شریعتنده تعدیل ای دیلشدر : « ربک کندی اسمنی اسکان ایچون انتخاب ایتدیکی محله الهک ربه فصیح اولق اوزره قویونلر و صغیرلر ذبح ایده سین . . . آنجق فصیح قربانی الهک ربه کندی اسمنی اسکان ایچون انتخاب ایتدیکی محله آقشام کونش بامق اوزره ایکن مصر دن چیقدی ق و قنده ذبح ایده سین ، الهک ربک انتخاب ایتدیکی محله پیشروب بیه سین ، صباحلین دونوب مسکنه کیده سین » (تئینه ، اون آلتنجی باب ، ۲ ، ۶ ، ۷)

IV سائر قربانلرده اولدینی کبی قوزی قایناتیلما یوب قزارتیلیر . خصوصی صورتده یه نیر ، آنجیق عائله ارکانی و یا خود ختانه عائله به تلسیق ایدیلش اولانلر بوقربانه اشتراك ایده بیلیرلر : « ... آندن (یعنی قرباندن) چیک یا خود صوده خاشلامش دکل ، آنجیق آتشد کباب اولمش اولدینی حالده باشی ، پاچالری و ایچلری ایله برابر ییه سکز ، آندن صباحه قدر برشینئی براقیاه سکز ، آندن صباحه قدر قالانی آتسه یا قاسکز و آنی بوجوله ییه جکسکز : بللرکز قوشانمش ، آیق قابلریکز آیاقلر کزده وعصالر کزاللر کزده اولارق عجله ایله ییه جکسکز » (خروج ، اون ایکنجی باب ، ۹ ، ۱۱) « رب موسی ایله هارونه فصحك فریضه سی شودر دیدی : هیچ بر اجنبی آندن یه میه جکدر . لکن بر کیمسه نك آچیه ایله آلمش قولی ختان اولوند قدر نصکره آندن یه سون ، یبانیجی و اجرتلی آندن یه میه جکدر ... و یانکده بر غریب ساکن اولوب رب ایچون فصیحی اجرا ایده جک اولور ایسه آنک هر ارککی ختان اولونسون و آندن صوکره آنی اجرا ایله مکه یا قلاشسون و دیارک بر یلیسی کبی اولسون و هیچ بر ختانسز آندن ییه جکدر » (خروج ، اون ایکنجی باب ، ۴۳ ، ۴۴ ، ۴۵ ، ۴۸)

V قربانک قانی اوک قابوسنه و اشیکنه سر بیلیر . بو یایرامی مایا قوللانیمایان برهفته تعقیب ایدر : « ... و قانندن آلوب آنی ایچنده ییه جک اولدقلری خانه لرینک قابوسنک ایکی سوکسه نه و اوست اشیکنه سورسونلر » ، « ... ویدی کون فطیر ییه سکز ، اولکی کونده خانه لر کزدن مایه بی دفع ایده سکز ، زیرا ایلك کوندن بدنجی کونه قدر هر کیم مایه لی اتمک بیرایسه اول جان اسراییلدن قطع اولونه جق در . یدی کون خانه لر کزده مایا بولونمایه ، زیرا هر کیم مایه لی بیرایسه غریب اولسون برلی اولسون اول جان اسراییلك جماعتندن قطع اولونه جق در . مایه لی برشی یه میه سکز ، مسکنلر کزک کافه سنده فطیر ییه سکز » (خروج ، اون ایکنجی باب ، ۱۵ ، ۱۹ ، ۲۰)

فقط بوتون بونلر فصحك درونی بر مراسیمی یوقسه ایکی مستقل مراسمک ساده جه بر برینه قرابتندن باشقه برشی اولوب اولمادینی مشکوک بر نقطه در . کتاب مقدسه نظراً فصیح بایرامی ، مصرده و بانک نهایتی ایلك طوغانلر آراسنده فصیح قانی سورینلردن غیر بيسنک و یا خسته لغنه مصاب اولماسی ، بنی اسراییلك مصردن مستعجلاً عزیمتی تخطر ایتدیردیکي حالده ، بونا برامک منشی جوق اسکی و مصردن خروج ایله مناسبی تالی اولدینی جوق محتمل در . فی الحقیقه بوقربانی J. G. Müller ، wellhausen ، قدیم راعی بایراملرک بریسی زنده سی اولق اوزره تلقی ایتکده درلر .

« غیره » قربانلرینک مذبحه اطرافنده کی منظره سنی ، میدان حریده یاتان مقتوللرک عتار کبی ترک ایدلدیکنه تشبیه ایدن بعض شاعرلرک بوتشبهلرینی وه لهاوزن ، شایان دقت واهمیت کوربور . [۱] اساساً عرب قربان مه تودنده ، اللهک حصه سی اولان قان قربانک یانسه موضوع چوملکه آقوب بوتون منسکی اوامر اتمام ایدیلنجیه قدر حیوان مقدس طاش یاننده بر ایدیلدیغنه نظراً بویوک بریارامده بر چوق قربانلر تقدیم ایدیلنجیه بو صحنه حقیقه بر حرب میداننه بکزر . بناء علیه رجب آی غیره لرینک بالضرور صیرتلان و آق بابالره ترک ایدلدیکی قبول ایدیله من .

سامی دینک دهاز یاده ابتدائی شکلنده الوهیتک بوتقدمه لری بالفعل بیکده اولدینی اعتقادینی قبول مشکلاتی قسماً مایع تقدمه لرک کثرت استعمالی ایله بر طرف اولمقده در : فی الحقیقه مایعات صلب ماده لره نسبتله دها چابوق غائب اولدینی ایچون بوماده لری بالفعل اللهلرک استهلاک ایتدیکنه دها قوتله اعتقاد ایدیلشدر . [۲] فی الواقع مترقی سامی منسکلرده تماماً تالی بر موقع اشغال و عمومیتله یاقه تقدمه سنک بسیط بر فرعی تشکیل ایدن « دوکه libation » انسانی قربان مستثنای اولمق اوزره ، مقدا یاقه قربانلرک نادراً استعمال ایدلش اولدینی عربلرده ، بویوک بر اهمیتی حائزدر . دوکه نك انموذجی شکلی ، قربانک واسطه حیاتی تلقی ایدیلش اولان قان دوکه سی در . مع هذا عربلر و فنیکه لیلر منسکنه داخل اولش اولان سسوت دخی شبهه سز چوق اسکی بر سامی « دوکه » سی در . عل العاده عرب قربانلرنده اللهک حصه سنه حاند اولان قان تماماً مقدس طاش اوسته آقیدیلیر ، اتی ایسه عابدلر و مسافر لری طرفندن یه نیردی .

شمال سامی منسکنده ، باشلیجه شرابدن عبارت اولان « دوکه » نك شایان اهمیت جهتی شراب حتی بر آتش تقدمه سیله مترافی اولدینی زمان ییله آتش واسطه سیله استهلاک ایدیله مسیدر . یونانیلر و رومالیلرده قربان شرابی ات اوزرینه دوکولدیکی حالده ، عبرانیلر شرابی قانک بر معادلی اولار ق تلقی ایدره رک مذبحه نك اساسنه دوکر لر . بناء علیه بوراده دخی « دوکه » نك نمونه یی شکلی قان اولدیغنه بعض عرب آیدیلرنده میوه عصاره سی کی [۳]

[۱] وه لهاوزن ، سالف الذکر اثر ، ص ۱۱۵ ، بوراده قید ایدیلن اشعار ایله ص ۱۶ ، ۶۵ مقایسه بویوروکوز ، کنذا بوخصوصده فی شاعرانه تشبیهات ایچون : ابن هشام ، ووستنفلد طبعی ، ص ۴۴ ، ۴۰ .

[۲] E. B. Tylor ، سالف الذکر اثر ، ایکنجی جلد ، ص ۳۸۲ - ۳۸۳

[۳] و . ر . سمیت ، Kinship and marriage ، ص ۲۶۱

شرابك قان یرینه قائم اولدینی نتیجه‌سینه واصل اولماضر لازمکلیر ایسه‌ده بالعکس عبرانی منسکنده قربان قانی بر « دوکه » اولق اوزره تلقی ایدیله‌مشدر : « اینک یاغی وقویون سودی ، قوزیلرک و باشان قوچلیرینک وتکلرک یاغنی و بغدادیک اعلاسنی یه‌دک واوزوم قانی اولان شرابی ایچدک » (تئیه، وتوز ایکنجی باب، ۱۴) ، « و آنی سوتدن کسیدیکی کبی آنی کنیدیسی ایله برابر چیقاروب اوچ طانا ایله برافا اون و برطولوم شراب ایله شیلویه بیت‌الریه کوتوردی، چوچق کوچوک ایدی» (برنجی ملوک، برنجی باب، ۲۴) ، «... واورادن ایلری کیدوب تابور میشه‌سینه واصل اولدیغنده اوراده بیت ثیله الله حضورینه چیقمق اوزره بری اوچ اوغلاق وبری اوچ اتمک سومونی وبری برطولوم شراب طاشیان اوچ آدم سکا تصادت ایده‌جکدر . سن اونوجمه جالجاله این وایشته‌بن محرقه‌لر تقدیم و سلامت ذیحله‌ری ذبح اتمک ایچون یانگه ایته‌جکم ، بن یانگه کلوب یاپاجغکی بیان ایدنجه دکین یدی کون مکث ایله » (برنجی ملوک ، اونجی یاب ، ۳ ، ۸) قانک مشروبات تقدمه‌سی اولارق تقدیمی مزامیرده بت پرستلک عملی اولق اوزره تصویر ایدیلشدر : «... قانن اولان مشروبات تقدمه‌لرینی تقدیم اتم و اسملرینی دوداقلریمه آلام» [مزامیر] اون آلتنجی باب ، ۴) . مع‌هذا بوققره بویه « دوکه » لک معلوم و موجود اولدیغنی اثبات ایدر. عبرانی مذبحه منسکنده قانک اساساً بر ایچمه تقدمه‌سی اولدیغنی ینه مزامیردن آکلایورز : « بوغاتی یرمییم وارکچ قانی ایچرمییم » (مزامیر، برنجی باب ، ۱۳) ، کذا « یارب خاشا که بن بونی یاپایم، جانلرینی مخاطره‌یه قویارق کیدن بو آدملرک قانی می ایچیم » دهرک داوود بیت‌الرحم قویوسندن چکیلیمش صونی ایچمک ایسته‌میه‌رک بر ایچمه تقدمه‌سی اولق اوزره دوکیور (ایکنجی ملوک ، یکریمی اونجی باب ، ۱۷) . ارمیا بیغمبر زماننده عبرانی قادیلرینک طانه‌وی بت پرستلکی منسکنده‌ده « دوکه » نک اساس بر قسم تشکیل ایتدیکنی و علی‌الاکثر خصوصی عبادت، عمومی عبادتن دها زیاده محافظه‌کار اولدیغنی نظر دقتده بولندیرر و بوقاروده‌کی مسرود آتمزه علاوه ایدر ایسه‌ک، اولکیلر ایله برآراده تدقیق ایتدیکمز زمان واصل اولاجغمز نتیجه‌شودر :

قان سکبی آتش قربانلردن دها اسکی و عمومی برسامی عملیدر : « وطاملری اوزرنده جنود سبایه‌نک کافه‌سنه بخوریاقدقلری و غیری اللهله مشروبات تقدیم ایتدکلی خانلرک جمله‌سی سبندن اورشیلیمک (قدس) خانلری و یهودا ملک‌لرینک خانلری توفت محلی کبی مکروه اوله‌جقدر » (ارمیا ، اون طقوزنجی باب ، ۱۳) ، «... بوشهره قارش جنتک

ایدن کلدانیلر کله جکلر و بوشهری آنشه و یروب آنی وَ بخی غضبه کتیرمک ایچون طاملری اوزرنده بخور یاقدقلری و غیره الالهله مشروبات تقدمه سی دو کدکلری خانه لری دخی یاقه جقلر « (ارمیا، اوتوز ایکنجی باب، ۲۹) ، « آنجق سما ملکسه بخور یاقه رق و آکا مشروبات تقدمه لری دو کدک مطلقا آغزمن دن چیقان هر سوزی اجرا ایده جکز، نینه کیم یهودا شهر لرنده و اورشیم سوقاقلرنده بز و اجدادیمز ملکلمن ورئیسلمن اجرا ایلدک و اوزمان آتمک طوبدق و حالز ای ایدی . بلا کورمدک ، لکن سما ملکسه بخور یاقنی و مشره بات تقدم ایتمکی ترک ایتمکمز و قدنبری هر شیشه محتاج اولدق و قیلنجدن و قیلقدن تلف اولدق . سما ملکسه بخور یاقدیغمزده و آکا مشروبات تقدم ایتمکمزده ارککلریمزک اذنی اولما یارقنی آکا عبادت ایچون پیده لر یابدق و آکا مشروبات تقدم ایتمک دینیلر « (ارمیا، اون دردنجی باب، ۱۷، ۱۹) شراب « دوکمه » ابتدائی قان تقدمه سنک برقلیدی و اونک برینه قائم اولماسیدر . سامیلرک تقدمه لرنده صوبک دخی برسکب عدایدیلوب ایدیله جکی چوق مشکو کدر . داوودک یوقاریده بحث ایتمکمز صودوکمه سی تماماً استثنائی برحالدیر: «... و مصباهده جمع اولدیلر و صو چکوب ربک حضورنده دو کدک اول کون اوروج طوتدیلر و اوراده بزربه قارشنی کنانه ایتمک دیدیلر و صاموئل نی اسرائیله مصباهده حکم اجرا ایلدی « (برنجی ملوک، آلتنجی باب، ۱۶) ، « و داوود حسرت چکدک بیت للحمک قاپوسنده اولان قیودن کیم بکا صو ایچریر دیدی . اولوقت اوچ قهرمان فلسطیلرک اردوسنی یاروب کجدیلر و بیت للحمک قاپوسنده اولان قیودن صو چکدیلر و آوب داووده کوتوردیلر ایسهده او آندن ایچمک ایسته میوب آنی رب ایچون دو کدی یارب حاشا که بن بونی یاپیم جانلرنی محساطره یه قوبارق کیدن بو آدملرک قانی می ایچیم دیرک آندن ایچمک ایسته مدی بو ایشلری اوچ قهرمان یابدی « (ایکنجی ملوک، ۱۵، ۱۷)

لاویلولر شریعتنده منسکی صو تقدمه لرینک موقعی یوقدر . مع هذا بو کون دخی siloé [۱] چشمه سندن آلوب داوول و ترامپته چالنه رق معبدله نقل ایدیلمن صو ، حیمه لر بایرامنک یدنجی کونی مدبدب برصورتده دو کیلیر خاخاملر بو مراسمک موضوعنی متعاقب سنه ایچون مبدول یا غمورلر تأمین صورتنده ایضاح ایدیورلرکه طوغریدر . صو دوکمه نک قوتلی بر یا غمور بو یوسی اولدینی عالشمول بر اعتقاددر . [۲] . بناءً علیه بوراده کی

[۱] قدسده Hennon وادیسنده کی صو منبعی در .

[۲] جهیمس فره بز ، بو خصوصه بر جوق مثاللر ذکر ایتشدیر : Golden Bough ، برنجی

صو دوکمه نك برلازمه شریعت اولمادینی بوآیین دین محیطنه دکل ، فقط طبیعی حادثه لری کوچوک مقیاسده تقلید ایده رك بو حادثه لری صنئی صورتده تولید ایتمک اعتقادینه استنادایدن « تقلیدی » بویو مقوله سنه عائد اولدینی تظاهر ایدر . بویونک عینی مقوله یه عائد بعضی شکلرنده یا غمورکبی کوك کورله مسیده تقلید ایدیلیر . [۱] نته کیم معبدده صو نقل ایدیلیر کن ترامپته چالمناسنک معناسی بو بولنده ایضاح ایدیلیر .

حیمه لر پیرامنده کی صو دوکمه نك یاقیندن مشابهی ، Hierapolis (پاموق قلعه) ده واقع آیینده دخی اجرا اولنور [۲] : سنه ده ایکی دفعه اجرا ایدیلن بوآیینده عابدلرک دکزدن - یعنی فراندن - [۳] کتیر دکاری صو معبدده کی خصوصی دلیلک دو کیلردی . عنعنه یه نظراً ، Deucalion [۴] طوفانی صولرینی بلع ایدن بودلیکدر . اساساً بو محله برحریم الاحرام انشاسنی موجب اولان سبب بودلیکک تدکاری خدمتلیدر . کذلک بویله صو دوکمه نكسکنک دیگر برمشابهی ده ، اون سکزنجی عصرک نهایته قدر صور (قدیم Tyre) شهری قابوسنده کی چشمه ده اجرا اولنوردی : ایلول آینده صولر بولانوب قزمزیشدینی زمان اهالی بویوک برضیافت ترتیب ایدرلر و صویک براقینتی اعاده ایچون منبعه براقچ دستی دکز صوبی دو کرلردی [۵] . بو صراسمک قوراق موسم نهایتده ، صویک تماماً آزالدینی برزمانده اجرا ایدیلسی معناداردر . بویله جه بوراده دخی سه مپاتیک بر بویو موضوع بحث اولدینی آکلایوروز . اساساً طوفان حکایه سیله تصوفی صورتده ایضاح

جلد ، ص ۳ ، ۲۴۸ و متعاقبرلی ، اصفهانده اجرا ایدیلن سنوی صو دوکمه آیینی دخی بولنره علاوه ایده ییلیرز .

[۱] ، فره یزر ، سالف الذکر اثرنده عرب بو بوسنده شیمشکی تقلید اتمک اوزره حیوانلره - احمالک جیلانلر - مشهلر باغلانوب طاغله طوغری سوق ایدلیکی ییلدیریور . کنفا وه لهاوزن ، سالف الذکر اثر ، ص ۱۵۷

[۲] [۱۶۷، ۱۶۶ ص ، Lagrange ، کنفا ، ص ۱۳ ، Lucien, De Dea Syria,

[۳] عراقیلر فراتی دکز تاتی ایدرلردی .

[۴] مبود زوسی ک یایدینی طوفان

[۵] سکزنجی بحث Volney Etat Politique de la syrie «هرسنه تشرین اولک ایلک کونی رأس العین صولری تاجر ایدرک فوملر صوبی استفاده ایدیلهمه جک قدر بولادیرر ، اوزمان منبعه بش آلتی دستی دکز صوبی دو کیلیر ، بویله جه ایکی ساعت ظرفنده رأس العین قویولری صویونک طورولسی تأمین ایدیلردی : mariti Voyages dans Lile de ص ۲۰ ، ایکنجی جلد ، (فرانسجه ترجمه سی) ، Chypre ،

ایدیلش اولان Hierapolis ده واقع آیدنک موضوعی ده حقیقتاً یاغورجلایی اولدییی چوق
محتملدر .

عبرانی منسکندده ، زیتون یاغی بر سگب دکلدر . فقط قرانده قولانیلدییی زمان
حبوبانه عائد تقدمه بی ایصلاقمق و بوتقدمه نك تفاسستی اجمال ایتمکک خدمت ایدر . مقدس
طاشلره زیتون یاغی دوکمه عادتیی یعقوبک افاده سنه نظراً بیت ییل ده ده جاری ایدی : « ..
یعقوب اللهک کندیسيله تکلم ایلدیکی محله طاشدن بر دیرک دیکوب اوزرینه مشروبات
تقدمه سی دوکدی و اوزرینه زیتون یاغی دخی دوکدی . یعقوب اللهک کندیسيله تکلم
ایلدیکی محله بیت ییل تسمیه ایلدی (تکوین ، اوتوزبشنجی باب ، ۱۴) ، « .. یعقوب
صاحلاین ایرکن قالدی وباشی آلتنه قویدییی طاشی آلب آنی دیکدرک تپه سنه زیتون
یاغی دوکدی ، (تکوین ، یکریمی سکزنجی باب ، ۱۸) حتی بعدالمیلاد دردنجی عصرده
« دلیکلی بر طاشی زیارت ایچون حجه کنن یهودیلرک طاشی تعطیر ایتدکلرندن بحث
اولونیورکه بوراده موضوع بحث اولانلر هر سنه قدسی زیارته کنن ، بوردو حاجیلریدر .
فقط بو عطریات زیتون یاغی کبی یهنیلن بر ماده اولمادییی ایچون بومنسکی عملک طبیعی
برمشافنی صاج و جلده قولانیلان مرهملرده آرا ملیدر . [۱] : سونجلی کونلر ، شنلکلر
وضیافتلرده دائماً یاغ سورونولور : « صلاحی سووب فسقدن اکراه ایتدک بوسیدن یاالله
سنک اللهک سنی شریکلرندن زیاده شادلق یاغیله مسح ایلدی . البسه نك کافه سی مرصافی
وعود و طارچین در . فیل دیشی سرایلردن ، کیریشلی چالغیلر سنی مسرور ایتدیلر ،
(مزامیر ، قرق بشنجی باب ، ۷ ، ۸) ، اشعیا کتابنک بو خصوصده کی فقره لر یله بو افاده لر
مقایسه ایلدیکی تقدیرده رسم تتوجلرده قراللرک تدهینی ، بوسرور کونلرندده حیثیتلری
ایله متناسب تزینات اکتسابی مراسمنک بر قسمی اولدیغی انتاج ایده بیلیرز : « صهبونک
ماتم ایدنلری ایچون تدارک ایدوب آنلره کول یرینه مزین صاریق و ماتم یرینه شادلق
یاغی مایوس روح یرینه حمد لباس و یرمک ایچون نبی ارسال ایلدی . آنلره صلاح
آغا جلری ربک کندی عنقی ایچون دیکلدیکی آغا جلر تسمیه اولونه جودر ، (اشعیا ، آلتمش
برنجی باب ، ۳) مقایسه بو یوریکز : « بو کیمدرکه مرصافی و کونلکلر ، تاجرلرک هر نوع
بهاراتیه عطرانلره قوتون دیرکلری کبی بر یهدن چبقار .. ای صهبون قرلری چیقیکز
[۱] تدهینک بو خصوصده کی استعمالنه دائر باقیکز : Frazer ، سالف لدر اثر ، برنجی

و ملك سليمانى دوكونى كوندنه و قلبنك مسرتى كوندنه والده سنك آنى تاجلان دیردینی تاجی ایله كوروكز » (اغنی الاغانی ، ایکنجی باب ، ۱۱)

فی الحقیقه تدهین مهمان نوازلق ، حرمت ، تعزیز نشانه سی اولدینی ایچون هر کون مقدس طاش یا خود قاباصنملر اوزرینه زیتون یاغی دو کبیر و هر ضیافتده تویلر ایله تزیین و تویج ایدیلردی . سامی ملتلر ضیافتلرده دیرکدر دخی دیرکدردی : « نقشلی البسه کئی آلوب آنلری اورتدک ، یاغمی و بحورمی اوکلرینه قویدک » (خزقیال ؛ اون آلتنجی باب ، ۱۸) بالطبع تدهین منسکی بوتون بونلر ایله برابر کیدیلور : بت پرستلکک صوک کونلرنده ، مدینه ده اسلامک تلویث ایتمش اولدقلری عائلوی بر صنمی بیقادقدنصکره یاغلیان بری قید اولونیورکه ، شمندی عرض ایتدیکنز فکره طأد اولدینی شهسزدره . [۱]

اساساً مقدس تمثالی تدهین ایتمک چوق دینی بر معناسی واردر : عبرانجه یاغلامق معناسنی افاده ایدن « مشح » کله سی ، تماماً سیلمک یاخورد جلد اوستنه مرهمی یا بمق ایچون ال ایله دلک ایتمک معناسنه دخی کلیر . بویله جه مقدس تمثالک مشحی یعنی تدهینی ، عربستانده الوهیته احترامک اک بسیط شکلی اولان صنمک تمسجیله مشترکدر . [۲] ابن هشام ، اولا اللری یاغه صوقوب بعده کعبه یه سیله رک واقع اولان یمینلری تصویر ایدیور .

اساساً مرهم ، شخصی ، معشری ، طبی ، دینی ... الخ مقصدلره بناء قوللا تلمشدر . تدهین عملنک منشی تخطر اولونه میه جق قدر قدیمدر : شخص جنلری احما ، طاشلری ، معبدلری ، پیغمبرلری ، پاپاسلری ، قرالری ، حال احتضارده بولنانلری یاغلامق و افتیزک مؤثرینتی آتام خصوصنده هپ یاغ قوللانیلردی . بو خصوصده قوللانیلان یاغلبو خاصه سفی یامشئنده اسرار انکلیز قوتلره صاحب حیوانلردن ، مقدس ماده لر ایله تماس ، بویو دستورلردن ، تقدیسدن و یاخود مؤخر ادعا ایله احراز ایدرلردی .

بالآخره تفصیلاتیله عرض ایده جکمز وجهه ، قانک قربان خصوصنده استعمالی قان حیاتک خصوصی بر موقعی بولندینی تلقیسنه ارجاع ایدیله بیله جک چوق مهم منسکی بر سلسله افکار ایله مناسبتداردر : « ... لکن زیاده صاقن قانی یه میه سین زیرا قان جاندر ، (تثیه ، اون اوچنجی باب ، ۲۳) ، ... و ساول دیدی که قوم آراسنه طاغیلوب آنلره خطاباً

[۱] ابن هشام ووستنفلد طبی ، قصه عمرو بن الجموح ، ص ۳۰۳

[۲] محمود احمد افندی ، تاریخ دین اسلام ، برتجی جلد ، ص ۴۸۲

هر کس کندی صیغیرینی وقویونئی بکا کتورسون و بوراده بوغاز لایه رقی بیسکز و قانی ایله بیوب ربه کنه ایتمه بیسکز دیه سکز بوبله جه بوتون قومدن هر کس او کیجه ایله صیغیرینی کوتوروب اوراده بوغاز لادی « (برنجی ملوک ، اون دردنجی باب ، ۳۴) . لاولولر و تئیه شریعتنده قان ایچمه نك شدله منی ، قسما بت پرستلك عادت لرینه متوجه اولدینی محتملدر : « و قان لرینی آغز لرندن و مکر و هان لرینی دیش لری آراسندن دفع ایده حکم . اودخی اللهمز ایچون بقیه اولوب یهوداده امیر عقرون دخی بوس کبی اولاجق در » (زکریا ، طقوزنجی باب ، ۷) ، « قانی ات یه میه سکز ، قانل ایتمه سکز ، منجمک ایله میه سکز » (لاولولر ، اون طقوزنجی باب ، ۲۶) . بوراده اعتقادک منشی مذبحده تقدیم ایدیلمن قانک بالفعل الوهیت طرفندن ایچلمسی سامیلرک بو خصوصده کی اعتقاد لرینه دائر یالکمز مزامیرک بالنسبه جزئی معلومانه افتقار ایتسه یدک بو خصوصده قطعی بر حکم ویره بیلمک ایچون کفایت ایتزدی : « بن قبره ایندی کیمده قانمدن نه فائده اولور ؟ طوبراق سنی مجد ایدرمی ، سنک حقیقتی اعلان ایدرمی » (مزامیلر ، اوتوزنجی باب ، ۹) مع هذا مزامیرک بو خصوصده کی افاده لری ساده جه بدیی اولاماز . زیرا عینی اعتقاد دنیانک هر طرفنده ، ابتدائی ملترک عالمشومول بر اعتقادیدر . [۱] . قان تقدیمه سنک موجودیتی ، اللهله عرض ایدیلمن تقدیمه لرك عمومیتله انسانی عدالر اولدینی قاعده سنه بر استئنا تشکیل ایتمز : زیرا بر چوق وحشی ملتر کرک الهام آلق و کرکسه نفاستندن دولایی قان ایچدک لری کبی ، قرابت تأسیسی ایچون قان ایچلمسی ده کذا عالمشومول بر اعتقاددر . بوتقدیرده ایکی شخص وجود لرینی یاروب بر برینه تماس ایتدیرمکله و یا خود ساده جه یکدیگرینک قانی ایچهرک تولد درجه سنده قوی بر رابطه قرابت تأسیس ایدر لردی . بورابطه و ابتدائی ملترده سمیه یا خود قبیله یی احتوا ایدر : مشترک بوقان هر سمیه اعضاسنک طمار لرینه آقیدیلر . عبرانیلر و عبر بلرده بر قبیله اعضاسی قتل ایدلیدی زمان ، فلانک قانی دکل ، قانمز دو گلشدر ، دیه لرینک سبی بودر : « واسرائیلک جمله سبط لری حبرونه داوودک یانه کلوب آکا خطاباً ایشته بزسنک کیسکک و اتک ایز ... دیدیلر » (ایکنجی ملوک ، بشنجی باب ، ۱) ، « ولات آکا فی الحقیقه سن بنم کیسکم و اتم سین دیدی » (تکوین ، یکرمی طقوزنجی باب ، ۱۴) ، « عماسایه دخی دیسکز که سن کیسکم و اتم دکیسین » (ایکنجی ملوک ، اون طقوزنجی باب ، ۱۳) ، همان دانی مجادلر ایچنده کچن بر محیطده حیاتی مدافعه نك بروسطه سی قانک

بومعشری قیمتیدر . [۱] بوندن باشقا ، قان برواسطه اثنلافدر : اوسترالیاایلر اختلافانی حل ایچون برضیافتنده بربرلرینک قانلرینی ایچرلردی .

عربلر جانلی بردونهک طمارلرندن آلدقلمی قانله بر نوع طانلی یابارلر وقحطلق زمانلرنده احتمالکه سائر وقتلرده دخی بویله طانلی ویاخود بمکلمری یرلردی . بو عادت حضرت محمده قدر دوام ایتمشدر .

مع هذا مرکز حیات اولان قربان قانی ، بالاخره تدریجاً چوق مقدس بر ماده تلقی ایدیلیمی اوزرینه ، قربانلرک اکثریسنده تماماً الوهیته تسلیم ایدلدی . عبرانیلر و عربلرده بوتون اهلی حیوانات ذبحی بدایتده قربان تلقی ایدلدیکی ایچون بو تلقی علی العاده غذا ماده سی اولق اوزره قانک عدم استعمالنی تولید ایتمشدر . حتی علی العموم ذبح آرتق قربان فکرنی احتوا واستلزام ایتهدیکی زمان بیله ینه حیوانلرک برالله نامه کسلوب قانی یره سربمک ضرورتی بولوندینی دوشونولسکده دوام ایتشدی . بو تلقی عبرانیلرده قان

[۱] قانک مقدس تلقی ایدیلیمی نتیجه سی شو صورتله تلخیص ایده بیلیز : غذا اولق اوزره قان استعمالی ممنوعیتی ، بر سراسی تقدیس ، تفائل ایچون قان ایچلمسی ضرورتی (هندستان) لایولولر ، اون طقوزنجی باب یکرمی آکتنجی فقره ده قان ایچمکه ثقال آره سنده موجود بومناسبتنه اشارت ایدییور ... قانک برفه پیشی تقدیس ویاخود قادر قیلدی ایچون ایچلمسی (آفریقا) . دیگر بر تلقی ینه نظراً قان احواله نظراً خیرکار یاخود شرکار بر قوته ده صاحبدر بالفرض قان بر اختیار قوتلند یردینی کبی (آوسترالیا) ، پاپاسلرده هم قوت وهمده الهام ویرر . خسته لقره مانع اولور وشفیه ایدر ، ازدواجی متمر قیلار ، شرکار نفوذلی افشا ایدر . هندلیلر انشای ازدواجده ، زوجه لرینک محتمل صداقتسزلکرنی افشا ونجیزه ایده بیلدیکی ایچون زوجلر بر مقدار قانلرینی زوجه لرینه ایچیرتیرلردی . قانله بیقانه - فعلاً یاخود مجزاً - کنهای تطهیر ایدر بوکا مقابل بعض قانلر ، فرضاً چوق طوغمی قانی ، حیضی قان فوق العاده تهلکه لیدر بویله قانلر ، جوارندن کچنلری تهلکه ده بر اقامتی ایچون کومولک ایجاب ایدر ، ایکیز چوق طوغورانلر آتنجی معین دوره دن سوکره طرغوم قاننه باقاییلرلر .

قانله تطهیر ، بورونه اونک Dayak لرنده ، شرق هندستانده ، میتراثیزم دیننده اجرا اولنوردی . بر چوق خریستیان الهیلرنده دخی بولونان قانله تطهیر بو اعتقاد ایله مقایسه ایدیله بیلیر . آسریقاریلیری ایچون : ایکنجی جلد ، ص ۳۴۴ برنجی جلد ، ص ۲۹۴ Bancfort native races آفریقا ده نیل ازرقک بوتون یریلری تازه قانک غایت لذتی اولدینی ادعا ایدییورلر مازای محاربلری ، کذلک مختلف سیاحلرک شهادت لرینه نظراً Jallas لر - سودانک نیل سواحلی قبیله سی - تازه قان ایچیرلر . هوتو نتورده ، یالکیز ارککلر حیوانات قانی ایچرلر ، قادیلر ایچون ممنوعدر . بو خصوصده : ص ۲۰۳ ، ۲۰۰ Keblen, state of Cape بوسوک حالده قانک تماماً مقدس بر غذا اولدینی آسلا بورز .

تأملارده قان ایچمه ایچون : برنجی جلد ، ص ۲۵۴ Yule, Marco Polo.

ییه نك مطلق صورتده منعی موجب اولدینی حالده ، عربلرده بو عادت حضرت محمدك تشریعاتنه قدر دوام ایتدی : « بنی اسرائیلدن یاخوډ آرا کزده مقیم اولان غریبلردن بری یه نیر حیوان یاخوډ قوش اولادقده آنك قانی آقیدوب طوبراقله اورتسون . زیرا زیرا هر جسدك جانی آنك قانی اولوب اصل حیاتی اودر . بوسبیدن بنی اسرائیله دیدی که هیچ بر جسدك قانی ییه میه جکمز . زیرا هر جسدك جانی آنك قانی اولوب آنی ییه ك آدم قطع اولونه جق در . » (لایولور ، اون یدنجی باب ، ۱۳) ، آوقانی ایچمك ممنوعیتك لایولور قانونندن اول موجود اولوب اولمادینی تماماً واضح دکلدرد . تئینه کتابی بو خصوصده مههم در : « آنجق قانی یه میوب آنی صوکی یره دو که سگمز » (تئینه . اون ایکنجی باب ، ۱۶) بوندن ماعدا قان ایله لاشه ییه مك قانونی برابر در . « لاشه یاخوډ پارالتمش اولانی ییه ن هر کیمسه یری اولسون غریب اولسون البسه سنی بیقایوب کندیسیده صوایله بیقانه جق و آقشامه قدر ناپاک اولوب آندن صوکره طاهر اولاجق در . » (لایولور ، اون یدنجی باب ، ۱۵) ، « هیچ بر لاشه ییه ییکمز ، ییه سی ایچون آنی قاپولرنده بولونان غریبه و بر سین یاخوډ اجنبی به صاناسین ، زیر سن اللهك ربه مقدس بر قومی سین » (تئینه ، اون دور دنجی باب ، ۲۱)

مقدما عرض ایتدی کمز وجهله ، اللهرك قربانلردن یالکمز مایع اقسامی یدکاری تلقیس الهی طبیعت حقنده قابا ماته ریالیست افکارك اعتداله دوچار اولدیغنی کوسترر . بو اعتدالك توجه ایده بیله جکی استقامت ، الوهیته تقدیم ایدیلن قربانلر ایله اولویه و یریان تقدیمه لرك مقایسه سیله محاکمه ایدیه بیلیر . یونان قهرمانلرینه دوکیلن قان ، خصوصی بر سیما تمثیل ایدر . عربلر اولولرینی آجلقندن زیاده صوسمز تلقی ایده رك مزارلرینه صو و شراب دوکرلردی . [۱] فی الحقیقه بعض قبیله لرده مقتولاً وفات ایدنلرك قبری اوزرنده « هامه » تسمیه ایدیلن قوشك دائماً دولاشوب ، مقتولك انتقامی آلتنجیه قدر « بکا صو و یرك ! بکا صو و یرك ! » دیه باغیردیغنه اعتقاد ایدیلردی [۲] .

بو یله جه اللهرك یه میه رك یالکمز ایچدکاری فکری اللهرك انسانلردن فرقلی بر طبیعته صاحب اولدقلری دوشونلدیکنی کوسترر . بناء علیه بو استقامتده آتیلان بر خطوه یاقه قربانلرینك منسکه داخل اولمارلیله یاقندن مناسبتداردر : زیرا آنك و یاخوډ قربانلرك

[۱] ولهاوزن ، سالف الذکر اثر ، ص ۱۶۱

[۲] امیرعلی ، روح اسلام ص : ۵۴

یا قیلماسی تعاملی هر نه قدر مختلف خطوط تفکرده باشلامش اولدیغی قبول ایتیمکه کافی اسباب موجود ایسه ده بعدما اللهمک ضیافتی مادی قربانلر یرینه ساده جه یاقه منسکی ایله خوشبو دومانلره تجول ایتیش غدا تقدمه سی تشکیل ایتدیکی آکله شیلیور . اولولره واقع تقدمه لرایله الوهیته تقدیم ایدیلنلرک مشابهی بو خصوصده کی نقطه نظر منی تأیید ایتیمکده دره یونانیلرده - قبل المیلاد یدنجی عصر - اولو ایله برابر کومولن تقدمه لرک یاقیلارق ائیرلشیدرلمدکجه اولولرک بویه تقدمه لری بیه میه جکی فکرینک هنوز یکی تولد ایتیش اولدیغی Perinandre و Mélissa حکایه سندن اوکره نیورز . یاقیلان قربانلرک خوشبو بلوطلر حالنده هوایه یوکسلمسی ، اللهمک ائیری موجودیتلر اولق دولایسیله هواده ، یوکسکلرده یشامقدمه اولدقلری فکریله مزوج اولارق آتش واسطه سیله قربان تعاملنه صربوطدر . بویه جه یرلشمش سامیلرده ، خوشبو دومان تقدمه لری اولارق تفسیر ایدیلن یاقه قربانلرینک کثرت وقوعی تماماً روحانی دینه من ایسه ده ، هیچ اولماز ایسه مادیلنک الک قابا صورتلرندن بدرجه یه قدر صیریلش اولارق ، الهی طبیعت حقیقده قوی صورتده مؤسس بر تلقی نی کوسترر : « بنی هارون اولان کاهنلر پارچالری ، باشی و ایچ باغنی مذبحده اولان آتشک اوستنده کی اودونلر اوزرینه دیزسونلر . اما ایچنی و پاچالری صوایله یبقایوب ربه خوش رایجلی بر قربان اولق اوزره کاهن جمله سنی محرقه اولارق مذبحده یاقسون » (لاولولر ، برنجی باب ، ۸ ، ۹)

تماماً الهیه تسلیم ایدیلن قربانلرایله الله و عابدلرینک برلکده اشتراک ایتدکاری قربانلر آراسنده کی فرق تفریق و تمیز ایدیلک ایجاب ایدر . عبرانی منسکینک لاولولر شریعتنده افاده ایدیلن اکصوک شکلنده بوفرقت صریحدر : مذبحده یاقیلمایوب پاپاسلره تخصیص ایدیلش اولان بوتون حیویات تقدمه لری و حیوانی قربانلر آراسنده کناه تقدمه سی ؛ یاقه تقدمه سی برنجی صنفه عاندر . کناه تقدمه سنک اکثر بیسی یاقه قربانی دکلدر . فقط یاقیلمایان ات قسحی رهبانه عاندر : «... بکامحرقه و اتمک تقدمه لری کیزی تقدیم ایتسه کرده قبول ایتیه جکم . بسیلی حیوانلری کزدن اولان سلامت قربانلرینه باقایه جنم » (آموس ، بشنجی باب ، ۲۲) الوهیتک حصه سی قان و باغرضاق یاغلی اولدیقندن متباقی قسم ایچون پاپاسلره بعض عواند و یریلردی . معشری برضیافت تشکیل ایتک اوزره عابده ترک ایدیلن علی العاده قربانی بایراملر ، نذرلر و اختیاری تقدمه لر ایکنجی صنفه عاندر . [۱]

[۱] کتاب مقدسک انکلیزجه ترجمه سنده Zébahim « قربان » و Shlamim کلمه سی « ذکات »

محرقة اولاجق قربان قویون ویا کچی ایسه: « ایچلری ایله پارچه لری صو ایله بیقایوب ربه خوش رایجه لی قربان اولق اوزره کاهنلر جهله سنی کوتوروب محرقة اولارق مذبحده یاقسون » [لایولور، برنجی باب، ۳]، قوش ایسه « قورصاغی ایله ایچنده کنی چیقاروب آنی مذبحه نك شرق جالبنده اولان کل محلنه آتسون، آنی آیرمایه رق قانادلری آراسندن یارسون و محرقة اولارق ربه خوش رایجه لی قربان اولق اوزره کاهن آنی مذبحده آتشدن اودون اوزرنده یاقسون » [لایولور، برنجی باب، ۱۶، ۱۷]، « بر کیمسه ربه اتمک تقدمه سی تقدیم ایده جک اولور ایسه آنی بی هارون اولان کاهنلره کوتورسون و آندن کوندلکک هپسی ایله برابر اونندن ویا غننگدن بر آووج طولوسی آسون و کاهن ربه خوش رایجه لی قربان اولق اوزره آنی تذکار اولارق مذبحده یاقسون » [لایولور، ایکنجی باب، ۲]، « اکر تقدمه نك تجرده پشمس تقدمه ایسه کاهن تقدمه دن تذکاری آوب ربه خوش رایجه لی قربان اولق اوزره بی هارون بونلری مذبحده اولان آتش اوزرنده، اودونلر اوستنده بولونان محرقة ایله برابر یاقسونلر » [لایولور، ایکنجی باب، ۵] .

بوایکی صنف قربانک منشی^۱ ماده و معناسنی محاکمه ایدرکن دقتمزی اولی امرده تقدمه نك اک بسیط واک عمومی شکلنه حصر و تحدید ایتک ایجاب ایدر. یودا حکومتک صولک کونلرنده، ودها زیاده تبعیددن سوکره کفارت مقصدیله قربانلر ویا قه تقدمه لری، اسکی زمانلرده نائل اولمدقلری بر شهرت احراز ایتدیلر. فی الحقیقه قدیم زمانلرده لایولور شریعتی کناه تقدمه سی حقتده هیسج بر شی بیلیم یوردی. قربانک کفارتی وظیفه سی خصوصی بر تقدمه صنفه مقصور اولمایوب بوتون قربانلره - *Minha Zébah* - ودها زیاده یاقه قربانلرینه عائددر: « ... معلومی اولان کناه یعنی اوغلارینک کندی اوزلرینه لعنت دعوت ایتدکاری و کندیمنک آنلری منع ایتهدیکی ایچون آنک خانه سنه الی الابد ایده جکم حکمی آکا خبر و بر دم. بواجلدن عالینک خانه سی حقتده عالی خانه سنک کناهی قربانله تقدمه ایله الی الابد کفارت بولما به جق در دیبه بین ایتدم » [برنجی ملوک،

مقابلی اولارق یا کلس ترجمه ایدیلشدر. زیرا تأدییه یا خود ادا - یعنی بر نذری ادا - ایتک فلاندن Shelamim و Shillem ی آیرمق مشکدر. Zébah کله سی عربجه ده « ذبح » کی بینمک ایچون کسپلن بوتون حیواناتی احتوا ایدر. اسکی زمانلرده هر ذبح، قربان اولدینی ایچون بودها عمومی بر قه بر در. مؤخر زمانلرده ایسه ذبح ایله قربان آرتق بر برینک عینی شبلر اولمادینی ایچون، منسکک تکنیک بر کله سی اولق اوزره Zébah تسمیه ایتک معین و صریح دکدر. SheIamim کله سی مؤخر ادبیاتده دها زیاده استعمال ایدیلکک باشلامسی بوندن دولایی در .

اوچنجی باب ، ۱۴] ، « ... وشمندی افندم ملک بوقولنک سوزلرینی دیکلیهسون . اکر سنی علیمه رب تحریک ایتدیسه بر قوربان قبول ایلهسون . اما اکر بنی آدم ایسه لر آنلر ربک حضورنده ملعون اولسونلر . ریرا کیت اجنبی اللهله عبادت ایله دیهرک بنی بوکون ربک میراننده حصه دار اولماغاغ ایچون طرد ایدیورلر » (برنجی ملوک ، یکریمی آلتنجی باب ، ۱۹] ، « ربک حضورینه نه ایله وارایم ، الله متعالک خضورنده نصل سجده قیلایم ؟ آنک حضورینه محرقلریمی ، بر سنه لک بوزاغیلر ایله می وارایم ؟ رب بیکارجه قوجلردن ، اون بیکارجه زیتون یاغی ایرماقلرتدن خشنود اولورمی ؟ عصیانم ایچون ایلک اوغلمی ، جانمک کناهی ایچون صلبمک نمره سنی می ویره می ؟ » (میخا ، آلتنجی باب ، ۶ ، ۷) . کفارتی قربانلر منحصراً دکلسه عمومی اعتباریله هم یاقه وهمده ره بانک استهلاکنه ترک ایدیان حیوانی قربانلردن عبارتدر . اساساً کفارت قربانلربنک وصف متمازی قباحی مادی بر تعویض ایله تضمین یاخود مقدمی تجزیه در : « داوود اوراده ربه بر مذبح بنا ایدوب محرقلر و سلامت قربانلری تقدیم ایلدی ورب دیار ایچون اولان نیازی قبول ایتمکه طاعون اسرائیل یوزندن دفع اولدی » [۲ ملوک ، اون دردنجی باب ، ۲۵] ، « ضیافت کونلرینک دوری خنامنده ایوب آنلری جلب ایدوب تقدیس ایدر و صبا حلالین قالقوب جمله سنک عددینه کوره محرقلر تقدیم ایلردی . زیرا ایوب اولابیلرکه اوغلارم کنه ایدوب قلیلرنده الله کفر ایتشلردر دیر ایدی . ایوب دوام اوزره بویله یاباردی » [ایوب ، برنجی باب ، ۵]

هرنه قدر قدیم اولسه ده یاقه قربانی ، ینه اسکی زمانلرده قربانک عمومی بر شکلی دکلدر : یاقه قربانی چوق مستثنا اسبابه مبنی یالکز بویوک و عمومی یایراملرده و « ذباحیم » ایله برابر تقدیم ایدیلردی . عبراتی استقلالنه نهایت ویرن فلاکتلی کونلرده ماتق علیهنه دوئمش کورینان الوهیتک لطف و توجهنی تکرار ملته جلب ایتک ایچون عبرانیلر « فوق العاده دینی واسطه لر تحریرسنه مجبور اولدقلری زمان ، کفارت آیینلری ومظنن یاقه قربانلری ، نظرلرده دها زیاده رغبت قازاندی . محلی عبادته مخصوص تبه الغا ایدلدکن صوکر ا قربانک اک عمومی شکلرینک انحطاطنه تماماً معکوس اولارق دینده بویکی نفوذ ، دها زیاده وضوحله یوکسلدی . هر محلی جماعتک عبادته مخصوص بر تپه سی بولندینی زمانده ساده جه یینمک ایچون کسیان هر حیوانک مذبحده تقدیم ایدیله سی ایجاب ایدیور ، وهر اتلی مک ، قربانی بر ماهیت اکتساب ایدیوردی : « ... ربه شراب تقدیم ایتیه جکلر

و آکا مقبول اولمایه جقلر ، قربانلری آنلره ماتم طوتانلرک اکمکی کبی اولاجق آنی هر ییهن ناپاک اولاجق . زیرا آنلرک اکمکی کندیلری ایچوندر . بیت الربه کیرمیه جکدر « [هوشع ، طقوزنجی باب ، ۴] . محلی حریم الاحرام دوام ایتدیکی مدتیجه ، ات یه نیلمسی یالکمز بایرام و تعطیل کونلرینه منحصر اولدینی و معتاداً اتمک ، میوه و سوت ایله تعیش ایدلدیکی زمانلرده یوقاریده بحث ایتدیکمز قانونه سهولته مراعات ایدیله بیلمشدی . فقط مذبحه لر قدسدن ماعدا هر یرده الفا ایدلد کدنصکره بالطبع ذبح ایله قربانک تماماً عینی شیر اولدینی اعتقادی آرتق دوام ایده مدی . حیوانک قانی - الوهیتک قدیم حصه سی - یره دوکیلمک شرطیله تئینه قانوننه نظراً هر یرده اهلی حیوانات کسسیلوب سربستجه یه نیله بیلیدی : « ... ولکن سنک جمله قابولر کده الهک ربک سکا ویردیکی برکت کوره جانک ایستدیکی هر نه ایسه آنی بوغازلایوب اتی یه . آنی ناپاک و طاهر اولان کیمسه حیوان و کییک ینلدیکی کبی ییسون . آنجق قانی یه یوب آنی صو کبی یره دوکه سکمز ، [تئیه ، اون ایکنجی باب ، ۱۶ ، ۱۵] ، « بی اسرائیلدن یاخود آراکزده مقیم اولان غریبلردن هر کیم بونوع قان یرر ایسه اول آدمک علیه یوزیمی چوروب آنی قومی آراسندن قطع ایده جکم . زیرا جسدک جانی قانده در . بن دخی آنی مذبح اوزرنده حائلریکمز ایچون کفارت اجرا ایتک اوزره سزه ویردم . زیرا جان ایچون کفارت قان در . بواجلدن بی اسرائیله دیدم که : سزدن بر کیمسه قان یه سون ، آرا کزده مقیم اولان غریب دخی یه سون ، [لاولولر ، اون یدنجی باب ، ۱۰ ، ۱۲] ، قربانک باغیر صاق یاغلی دخی قدیم زمانلردنبری الوهیه مخصوصدر : « ... وکاهنلرک قوم ایله اولان عادتلری بوایدی که : بر آدم ذبحیه عرض ایتدیکنده ات پیشر ایکن کاهنک خدمتکاری آئنده اوچ دیشلی بر چانال اولارق کلوب قاراوانه یه یاخود قازانه ویا تجره یه ویا قاینار قابه طالدیرر ایدی . چانال هر نه قدر چیقاریر ایسه کاهن کندی ایچون آنی آلدیرر ایدی . شیلوده اسرائیلدن اورایه کلنلرک جمله سنه اوله باپارلر ایدی . هم دخی ایچ یاغی باقیلمازدن اول کاهنک خذمتکاری کلوب ذبح ایدن آدمه کاهن ایچون کبابلق ات ویر سندن قاینامش ات دکل آنجق چیک آلور دیر ایدی . اول آدم دخی آکا براق شیمدی ایچ یاغی یا قسونلر صوکره جانک ایسته دیکی قدر آل دیرر ایسه اول خیر شیمدی ویر یوقسه زور ایله آلورم دیر ایدی ، [۱ ملوک ، ایکنجی باب ، ۳۱ - ۱۶] . بناء علیه ایچ یاغنک اکلی دخی ممنوعدر : « عصر لر یکنزجه جمله مسکنلر یکنزده ایچ یاغی وقان یه مه مک سزه ابدی فریضه

اولاجق در ، [لاویلور ، اوچنجی باب ، ۱۷] ، مع هذا بومنعو عبث حیوانک ساثر اقسامنده کی یاغلبینه شامل دکلدره . مذبحه ، یا لکنز قدسه منحصر قلوب بویکی قانونه اتباع ایدیلدیکندن اعتباراً ، ات پیه نك اساسی اعتباریله قدس بر عمل بونندینی منسی قالدی . قدسده بویوک بایراملرده تماماً دینی طعاملر ، هر نه قدر دوام ایتدیسه ده بالضرور قربانی طعام اسکی معنا واهمیتنی غائب ایتدی . بویله جه یاقه قربانی ایسته نیلدیکی کبی سربستهجه یه نیلن Zébah دن دها زیاده مقدس بر ماهیت اکتساب ایتدی . فقط اسکی زمانلرده بوتفوت ذبحده یعنی علی العموم کسمه قربانلرنده ایدی . ذبیح یا لکنز یاقه قربانلردن دها زیاده تقدیم ایدیلن دکل ، عینی زمانده عبرانیلرک بارز دینی افکار و حسیاتلر بلده درونی ارتباطی حازدی . اسکی ادبیاتک بونقطه ده صراحی قطعیدره فی الحقیقه ذبح و minha یعنی حیوانات تقدملری ، دینی بر ضیافت احضاری ایچون کسيلمش قربانلر ، مذبحده تقدیم ایدیلن نباتی تقدملر قدیم عبرانیلرک دینی عمللرینک مجموعنی تشکیل ایدیورلردی . کفارت و بوتون یاقه قربانلرینی بر طرفه بر اقیسه ق لاویلور منسکینه نظراً ابدالر گده اشترک ایتدیکی تقدملر ایله ، مذبحده تماماً الوهیته یا خود ره بانک استهلاکنه ترك ایدیلن تقدملر آراسنده کی فرق ، حیوانی و نباتی تقدملر آراسنده کی فرقه تقابل ایدر : مذبحده تقدیم ایدیلن حیوانی قربانلر اوزرینه الی مقدم قویه رک الوهیته تخصیص اتمکله برابر اتمک بویوک بر قسمی خصوصی قاعده لره تبعاً ینمک اوزره عابد عائد اولوردی . فقط عابد عائد اولان بوخصه یا لکنز مراسمی صورتده طاهر یعنی الوهیته یا قلاشماغه لایق اشخاص طرفدن یه نیله بیلیردی . عینی کونده یا خود بعض احوالده ایکی کون طرفده یه نیلمه دیکی تقدیرده یا قیلماسی ایجاب ایدردی : « شکر ایچون سلامت ذبیحه سنک اتی تقدیم اولوندینی کونده یه نیلوب آندن صباحه قدر بر شی بر اقلماسون . اگر ذبح ایتدیکی قربان نذر و یا خود متبرع قدیمه اولور ایسه ذبیحه سی تقدیم اولوندینی کونده یه نیلوب آرنانی ایرتسی کون یه نیلسون ذبیحه نك آندن اوچنجی کونه قدر قالان آتسه یا قیلاجق در » [لاویلور ، یدنجی باب ، « ... ربه سلامت قربانی ذبح ایتدیکنزده مقبول اوله جق طرزده ذبح ایدیکز . ذبح ایله دیکنز کونده و ایرتسی کونده یه نیلسون و اوچنجی کونه قدر قالان آتسه آتیسون » (لاویلور ، اون طقوزنجی باب ، ۵-۶) ، « ... ربه شکر ذبیحه سی تقدیم ایتدیکنزده سزک ایچون مقبول اولاجق وجهله تقدیم ایله ییکز . همان اول کونده یه نیلسون ، آندن صباحه قدر بیراقمیکز » (لاویلور ، یکر می ایکنجی باب ، ۲۹ - ۳۰) . بوقانونلرک

استهداف ایتدیکی اساس معنا اتک علی العاده بر ماده اولمایوب قدسی بر ماهیتی حائز بولونماسیدر : « ... بر آدم البسه سنک اتکیله مقدس ات کوتورر ایسه واتکیله آتمک ویا چوربا ویا یاغ ویا خود بر نوع طعامه طوقونور ایسه او مقدس اولورمی دییه شیمدی کاهنلردن شریعتی سؤال ایله دیدی » (حجای ، ایکنجی باب ، ۱۲) ، مقایسه ایدیکز : « ... بونک ایچون اسرئیلک اللهی رب الجنود بویله بویورور : سوکیلی مک بنم خانهمده نه حصه سی وار . مادامکه چوقلر ایله فجور ایشله مشدر . مقدس ات دخی قالدیر یلاجق زیرا سن کوتولنکله مسرور اولورسن » (ارمیا ، اون برنجی باب ، ۱۵) .

عابدل حریم الاحرامدن طاغیلمادن اول اکیال ایدیله جک عبادتک بر قسمی ده بیک فعلی در . اساساً قدیم قربانی ضیافتلر یالکنز بر کون یاخود ایکی کون دوام ایدردی : « قزلر دخی آنلره جواباً بوراده در . وایشته او ککزه در . شیمدی چابوق کیت . زیرا بو کون شهره کلدی . چونکه قومک بو کون مرتفعه ده ذبیحه سی وار . شهره کیردیکنز کبی طعام ایتک ایچون مرتفعه یه چیممازدن اول آنی بولورسکنز . چونکه اوکله نیجه قوم طعام ایتمز . زیرا قربان اوزرینه او برکت او قور آندن سوکره دعوتیلر طعام ایدر » (۱ ملوک ، یکریمی برنجی باب ، ۱۲ - ۱۴) ، « ... صاموئیل ساوله جواباً غیبی کورن بنم ، اوکیجه مرتفعه چیق . زیرا بو کون بنم ایله طعام ایده جکسکنز و صباحلین سنی صالیویروب قلینده بولونانک کافه سنی سکا خبر ویررم » (۱ ملوک ، طقوزنجی باب ، ۱۹) ، « ... فقط ساول اول کون برشی سویله مدی . آکا برشی واقع اولمش طاهر دکادر . مطلقاً غیر طاهر در دیدی و ایرتسی کون آیک ایکنجیسنده داوودک یری بوش قالغه ساول اوغلی یونانانه بسانک اوغلی نیچون هم دون همده بو کون طعامه کله دی دیدی » (۱ ملوک ، یکرمنجی باب ، ۲۶ - ۲۷) .

بالعکس آیینک اساس معناسی ، بر قسمی « الوهیته عائد » اولق اوزره مذبحیه وضع اولونان عینی مقدس اتک عابدلر طرفندن یه نه رک الله ایله عابدلر آراسنده حصوله کلن اشتراکده در . فقط بوتشارک ، Minha ده موجود دکادر : زیرا عابد الوهیته تقدمه سنی ویرر ویرمن عبادتده کی حصه سی نهایت بولمشدر . الوهیتله عابدلری آراسنده ذبح ، بر اشتراک تحویل ایتدیکی حالده Minha - اسمندن دخی آکلاشایدینی وجهله - ساده جه بر ویرکیدن عاتردر :

لاویلولر قانوننده تصریح ایدیلن بو فرق حبوبات قربانلرینک بوتون احوالنده ،

تبعیددن اولده رعایت ایدیلوب ایدیلهدیکی مسئلهسنی بوموضوعدن خارج عد ایدیورم .
مع هذا بوكا رعایت ایدیلهدمش اولدینی محتملدر : زیرا اسکی دینلرك اكثرينسندہ حیوانات
تقدمه لری بعض احوالده حیوانی قربانلر یرینه قائم اولیور . بویلهجه ایکی نوع تقدمه لر
آرسندہ کی فرق بو طرزده تدریجاً زائل اولیوردی . [۱]

لاوبولر منسکندن دخی آکلاشیلاخنی وجهله ، بویله ماده لرده رهبانی عنعنہ یه بویوک بر
اهمیت عطف ایدیلشدر . اساساً رهبان تصویر ایتدی کمز شکلده بویکی قربان آراسنده
بر فرق احداث ایش او بلارینه احتمال یرمه دیکمز کی ، فضله اولارق واقعه نقطه نظرندن
بویله تفریقده بولونما دقلرینه دائر کافی اثبات موجوددر . زیرا اسکی زمانلرده *minha* ننگ
باشلیجه منبی ، ایلك محصول تقدمه سی یعنی اسکی قانونلرده تصویر ایدیلن یکانه ذخیره
تقدمه سنی تشکیل ایدن ارضک سنوی حاصلاتندن کوچوک فقط منتخب بر قسمدر :
« ... ذخیره ایله شیره لرك ترفنده لرینک تقدیمی کچیکدیر میه سین ، اوغلارینک ایلك
طوغمشلرینی بکا یره سین ، (خروج ، یکریمی ایکنجی باب ، ۲۹) ، « ... طوبراغک
ایلك ترفنده لرینی اللهک ربک بیتنه کوتوره سین ، (خروج ، اون بدنجی باب ، ۱۹) ، « ...
طوبراغک ایلك ترفنده لرینی اللهک ربک بیتنه کوتوره سین ، (خروج ، اوتوز دردنجی
باب ، ۲۶) .

ایلك محصوللر حریم الاحرامده تسلیم ایدیلن بر یرکیدر . کویلیلر بو یرکیلرینی
سپت ایچنده کتیروب مذبحه یه قویارلردی : « ... واللهم ربک سکا میراث اولق اوزره
ویردیکی دیاره کیروب آنی نملک واقامت ایتدیکنده ، اللهک ربک سکا ویردیکی دیارندن
طوبلادیغک طوبراق محصولاتنک جمله ترفنده لرندن آلوب برسپته قویارق اللهک ربک
کندی اسمنی اسکان ایچون انتخاب ایدهدجکی محله کیده سین . اول کونلرده بولونان کاهنک
یاننه کیدوب بن بوکون اللهک ربه اعتراف ایدرمکه ربک بزه یرمک ایچون اجدادمنه یمین
ایتدیکی دیاره کلدم دیه سین . کاهن دخی سیتی سنک ائندن آلوب اللهک ربک مذبحی
اوکنه قوسون ، (تاینه ، یکریمی دردنجی باب ، ۱ - ۵) ، « ... ویزی بو محله کوتوروب
بزه بودیاری سوت وبال آقان دیاری ویردی . ایشته یارب بکا ویردیگک طوبراغک

[۱] روماده علی الاکثر بلومی یاخود خامور تقدمه سی ، حیوانی قربانلر مقامنه قائم اولوردی .

عیق شی آتهدده واقعدر . قارتاجه ترفنده لرنده *Zébah* کله می حیوانات تقدمه لری خصوصنده
استعمال ایدیلشدر .

محصولاتنک ترفنده سی کوتوردم دیه سین و آنی اللهک ربک حضورینه قویوب اللهک ربک حضورنده سجده قیلا سین » (تئینه ، یکر می آلتنجی باب ، ۹ - ۱۱) . بویله تقدمه لر مذبحده یاقیلما دینی کبی بونلر ره بانک خدمته مقابل برمکافات اولاق اوزره دکل ، فقط حریم الاحرامک اهل بیتی اولدقلرندن دولانی ره بانه تخصیص ایدیلشدی ، « ... رب موسی یه خطاباً دیدی که : بنی اسرائیله سویله که سزه ویره جکی دیاره کیروب محصولی یچدیکه کزده محصوللر کردن ترفنده اولارق بردمت کاهنه کوتورده سکز » (لایولور ، یکر می اوچنجی باب ، ۹ - ۱۰) ، « ... وقومدن یعنی صیغیر یا خود قویون ذبح ایدنلر طرفندن کاهنلرک حتی بودر : کاهنه قوی ، جکر لری و اشکنبینه ی ویرسونلر ، بوغدای شراب و ترفنده لری و قویونلرک ایلك یا پاغیسی آکا ویردین ، زیر کک کندیسی و کرک اوغللری دائماً ربک اسمنده خدمت ایچون طورمق اوزره اللهک جمله سبطلرک آراسندن آنی اتحاب ابلدی » (تئینه ، اون سکزنجی باب ، ۳ - ۵) ، « ... لکن حرفه لر کاهنلری اورشلیمده اولان ربک حضورینه چیقه ایوب برادرلری آراسنده مایه سز پیدلر بیرلر ایدی » (۴ ملوک ، یکر می ایکنجی باب ، ۲۹) . بو ویرکوی الوهیته تسلیم ایتمه ک دیگر برطرزی ، بعضاً بونلری الله آدم لینه ویرمکدر : « ... ویر آدم بعل شالیشان کلوب الله آدمه ترفنده لردن اتمک یعنی یکر می عدد آریا اتمکی و طوربا ایله تازه باشاقلر کوتوردی » (۴ ملوک ، دردنجی باب ، ۴۲) . « ... مینها ، لایولور شریعتنده دخی تماماً پایاسلره عأددر : « ... ربه تقدیم ایده جکی ذبحیه سنک قانونی شودر : هر یاغلی یوغورولمش و قوری اتمک تقدمه سی بی هارونک جمله سنه مساوات اوزره تقدیم اولونه جتمدر . اکر آنی شکر ایچون تقدیم ایدرایسه اوزمان شکر ذبحیه سی ایله برابر یاغلی یوغورولمش مایاسز پیدلر و یاغ سورولمش مایاسز بو قه لر و خاص اوندن مخلوط یاغلی یوغورولمش پیدلر تقدیم ایتمدن ، شکر ایچون اولان سلامت ذبحیه سی پیده لردن ماعدا مایالی اتمک تقدمه سی دخی تقدیم ایله سون ، آندن وجهله تقدمه لردن برر دانه ربه رفیه اولمق اوزره تقدیم ایله سون . بوسلامت قربانلرینک قانی سر یه کاهنک اولاجق در . » (لایولور ، یدننجی باب ، ۹ - ۱۴) . بوراده جلب دقت ایدیلیسی لازم اولان جهت ، ره بانک عابدلردن ویرکی اولارق آلدقلری شیکک ، الوهیت طرفندن ره بانه ویرلمش اولماسیدر .

دیگر بر جوق زراعی ملترده اولدینی کبی عبرانیلرده ده ایلك محصول تقدمه سی ، یکی

محصولک ویرکوسنی الوهیت استیفا ایدنجه به قدر بو محصولک استهلاکی غیر مشروع اولدینی فکری ایله مناسبتداردر: «... واللّه کزّه قربان کتوره جکز اول کونه قدر اتمک یا قاورولمش بغدادی یا نازه باشاقلر ییه سکز، عصرلر کزجه مسکنلر یکزک جمله سنده ابدی فریضه اولاجق در» (لاویلور، یکریمی اوچنچی باب، ۱۴). حصادی تقدیس دکل فقط مشروع برغدا قیلان ایشته بو تقدیمه در. فی الحقیقه مذبحده تقدیم ایدیلن کوچوک بر حصه دن ماعدا بو محصولدن هیچ برشی مقدس دکلدر. تقدیم ایدیلن قسمک متباقیسنی علی الاطلاق طاهر و غیر طاهر هر کسی بوتون برسنه طرفنده سربستهجه ییه بیلیرلر. بناء علیه بو حیوانی قربانلر تقدیمدن تماماً باشقه بر ماهیتی حائزدر. زیرا بو صوک تقدیرده قدسیت اتمک تامانه شاهلدر: بوتانی یالکنز طاهر اولانلر ییه بیلیرلر: «... ربه شراب تقدیم ایتیه جکلر و آکا مقبول اولمايه جقلر، قربانلری آنلره مائم طوانلرک اتمکی کبی اولاجق، آنی هر ییه ناپاک اولاجق، زیرا آنلرک اتمکی کندیلری ایچوندر. بیعت الربه کیرمه جکلر در» (هوشع، طقوزنجی باب، ۴)

قدیم اسرائیلده، هر ذبک قربان اولدینی [۱] و هیچ بر کیمسه نیک دینی بر حر کتسز صیغیر و قویون ییه میه جکنی مقدما عرض ایتشدک. فقط ذخیره ایچون بویله مقدس اشتراکلر یوقدر. الوهیت ایلمک محصولدن ویرکی آلر آلاماز عائلوی بوتون ذخیره عمومی اولور. بناء علیه حبوبات ایله حیوانی غدالر آراسنده کی فرق صراحتاً تبارز ایدر. ذبکلر ایله برابر یمک اوزره حریم الاحرامه کتیریلن اتمک، مقدسات کبی عینی دینی معنایی حائز دکلدر. مع هذا مایالی اتمکدن بر قسمک قربانی امله برابر مذبحه به وضع ایدیلن شمالی اسرائیلده معتاد اولدینی بوجه آنی فقره دن او کره نیورز: «... وشکر قربانی مایالی اولارق تقدیم ایدیکز» [عاموس، دردنجی باب، ۵] بوده اساساً طبیعی در: زیرا عابدک اولدینی کبی الوهیتکده قربانی یمکدن حصه سی نیچون عینی شیلری محتوی اولماسون؟. فقط بو فقره عابدک کندیس ایچون آلیقویدینی حصه بی دخی تقدیس ایتدیکنی بیلدیرمه بور. کتاب مقدسده او قودینمز یکانه مقدس اتمک، تقدیم ایدنه دکل، پاپاسلره عائد اولان اتمکدر: «... کاهن ایسه داورده جواب ویروب یا نده عادی اتمک یوقدر. یالکنز مقدس اتمک واردر» [۱ ملوک، یکریمی برنجی باب، ۴]. فقط بوراده عمومی اتمک مذبحه به وضع اولنه جق یرده رهبانه ویریلشدر: «... اکر آنی شکر ایچون تقدیم ایدر ایسه اوزمان

[۱] قدیم عربستاندهده بویله در. وهلهاوزن، سالفاکر اثر، ۱۱۴

شکر ذبحیه سی ایله برابر یاغله یوغورولمش مایه سز پیده لر و یا یاغ سورولمش مایا سز یوقه لر و خاص اوندن مخلوط یاغله یوغورولمش پیده لر تقدیم ایتسون . بوسلامت قربانلرینک قانی سرپن کاهنک اولاجق در ، [لایولور ، یدنجی باب ، ۱۲ - ۱۴] ، « ... و خاص اوندن یاغله یوغورولمش فطیر پیده لر و یاغله یاغلامش فطیر یوقه لر و آنلرک اتمک و مشروبات تقدیم لرینی بر سپتده کورتوروب کاهن آنلری ربک حضورینه تقدیم ایده جک و آنک کنه قربانی و محرقة سنی عرض ایله جکدر . و قومی فطیرک سبتله ربه سلامت قربانی اولق اوزره تقدیم ایده جک کاهن آنک تقدیمه سی ایله مشروبات تقدیمه سنی تقدیم ایله جکدر . و کاهن آنلری ربک حضورنده صالامه تقدیمه سی اولق اوزره تقدیم ایده جک . بونلر صالامه دوشنی و رفعیه بودی ایله کاهن ایچون مقدسدر . بوندن صوگره نذیر شرابی ایچم بیلیر . » [اعداد ، آلتنجی باب ، ۱۵ - ۱۸ ، ۲۰] . فقط بوذخیره دن کمال اهمیتله تفریق و تمیز ایدیلشدر : اسکی زمانلرده پاپاسلرک بو نوعدن عوایدی یوقدی . یالکیز ایلك محصولات ایله قربانی آدن بر پارچه ایسته مک حقلری ایدی : « ... و قومدن یعنی صیغیر یاخود قویون ذبح ایدنلر طرفندن کاهنلرک حق بودر : کاهنه قولی ، جکرلری و اشکنبه یی و برسونلر ، بوغدای ، شرابی و یاغک ترفنده لرینی و قویونلرک ایلك یا یاغیسنی آکا ویره سین » [اون یدنجی باب ، ۳ - ۴] ، « ... و کاهنلرک قوم ایله اولان عادتلری بو ایدی که : بر آدم ذبحیه عرض ایتدیکندن ات پیشیریر ایکن کاهنک خدمتکاری برالنده اوچ دیشلی برجاتال اوله رق کلوب قاراوانایه یاخود قازانه یا تجریه یا قاینار قابه دالدریر ایدی . چاتال هر نه چیقاریرسه کاهن کندی ایچون آنی اولوردی . شیلوده اسرا تیلدن اورایه کنلرک جمله سنه اوله یاپارلردی » [۱ ملوک ، ایکنجی باب ، ۱۳ و متعاقلری]

یوقاریکی فقره لردن ذبح ایله برابر ات تقدیمک قطعاً ابتدائی بر حال اولمادیغنی آکلایورز : فی الحقیقه « عاموس » بونی یهودی عملنه مانوس اولمادیغنی افهام ایدن بر حیرتله ذکر ایدیبور . اساساً قربانی یملکر هر حادثه ده یالکیز اتمکدن عبارت اولماز . دینی برضیافتک بالضرور کسین بر قربانی استلزام ایتدیکنی اثبات و تأیید خصوصنده بوتون قدیم تاریخدن استفاده ایده بیلیرز . [۱]

علمی عمده

[۱] ذخیره تقدیمه لریله قربانی ضیافت آراسنده کی یوقاریده بحث ایتدیکنز فرق ، سامیلرده دینی ماهیتی حائر اولمادیغنی حالدده روماده ، الله لک اهل بیتیه بر مقدار تقدیم اتمکله تقدیس ایدیلن

بچن نسخه ده کی مقاله مزك اوتوز طقوزنجی صحیفه سی برنومرولی نوطنه ذیلدر :
 مقاله نك انتشارندن صوگرا محترم مدرس شرف الدین بك افندی - اسلامیتده کوپك
 موقعی حقنده کی نقطه نظر منزی تأیید ایدن بر حدیثدن بزى خبردار اتمك لطفنده
 بولندیلر . بوحدیثك عیناً ترجمه سنی تقدیم ایدیورز : « نماز قیلمق ایسته یین بر کیمسه ،
 اوکنه بر ستره وضع ایدر . بویله یا پامادینی تقدیرده قادین ، سرکب ، قارا کوپك . الخ کبی
 شیلرک اوکندن مروری ادای صلاته مانع تشکیل ایدر . قرمنزی ، صاری کوپك یاننده
 قارا کوپكک موضوع بحث اولاجق نه قباحتی اولدیغنی ابو ذردن صوردم . جواباً اوت
 قارداشم سنك صوردیغك کبی بنده حضرت محمددن صورمشدم : جواباً قارا کوپك
 شیطاندر دیدی »
 مسلم : ایکنجی جلد ، ص ۵۹

ع . ع



حائلی میکر خصوصنده بعض تعذیلات ایله برابر یونانیلر و رومالیلر ایچونده موجود کورونیور :
 مع هذا بونک رسمی دین ایله هیچ برمناسیتی یوقدر : رسمی دین قربانسر مقدس بریک وجود
 اولامیه جفنی التزام ایتمکندن مقدس Aparcho تماماً حریم الاحرامه تسلیم ایدیلشدر . بو خصوصده کی
 مطالعات ، بعض استثنایله برابر دیگر برچوق ملتر ایچونده طوغریدر . فره بز ، حقیقی قربانی
 برضیافتک ایلك برنج محصولی ایله یا بیلدیغنی و بو ضیافته « برنج روحی بیه » تسمیه ایدلدیکنی
 کولستن برواقه بی Wilken دن نقل ایدیور . بو حالد برنج ذی حیات بر مخلوق اولارق تلقی ایدلشدر .
 بوکی احوالده برنجک حقیقتاً جانلی بر قربان تلقی ایدیله بیله چی ادطاسی غیر معقول دکلد . بالعکس
 زراعی دینلرک علی الاکثر راعی عبادتله عائد افکاردن استفاده واستماره ایتش اولدقلری معلومدر .

اعتذار :

کچن نسخه ده کی مقاله نك طبع تصحیح جری انا سنده آنقرده بولندیغ ایچون مع الاسف مصحح یا کشلقلریله انتشار ایتشدرد. باشدیجه لرینی بوجه آتی تصحیح ایدرد. وقار نلر مندن عفو دیلرز :

یکرمی سکزننجی صحیفه ده کی رفه رانس :

E. B. Tylor primitive Culture, sacrifice . اولاجق در .

یا کاش	طوغری	صحیفه
Naurs و Mubert	Hubert و Mauss	۲۸
N. j. daolarangé	Lrgrange	۲۸
Cutiss	Curtiss	
Zéboeh	Zébah	
بحرانی	بوتون بحرانی اولان یرده « عبرانی »	
قبل التباعد آتی	آینی	

W. R. smith, the old Tostam ent in the jewish church . اولاجق در .

Wade, old Testament History . اولاجق در .

یا کاش	طوغری	صحیفه
Shilan Pèbak	shélem Zébah	۳۱
Oshan	asham	۳۱
Selahim	Zébahim	۳۲
dea Syrida	dea syria	۳۳
Waob	Wade	۳۸ نوط ۲
Shelem kolil	Shelem kalil	۳۸
Zebat	Zebah	۴۶
nioha	min ha	۴۸